

天聖明道本國語

一
函
四
冊
函

國語卷第十七

楚語上

韋氏解

莊王使士亹傅太子箴

莊王楚成王之孫穆王之子旅也士亹楚大夫審恭王名也

辭曰

臣不才無能益焉王曰賴子之善善之也

賴恃也

對曰

夫善在太子太子欲善善人將至若不欲善善則不

用故堯有丹朱

朱堯子封於丹

舜有商均

均舜子封於商

啓有五觀

啓禹子五

觀啓子太康昆弟也觀洛汭之地書序曰大康失國昆弟五人須于洛汭傳曰夏有觀扈

湯有太甲

太甲湯孫太丁之子不遵湯法伊尹不能

正放之於桐

文王有管蔡

管蔡紂文王之兄子周公之兄

是五王者皆有元德也而

有姦子夫豈不欲其善不能故也若民煩可教訓

煩亂

也蠻夷戎狄其不賓也久矣

賓服也

中國所不能用也王

卒使傅之問於申叔時

申叔時楚賢大夫申公

叔時曰教之春秋

而為之聳善而抑惡焉以戒勸其心以天時紀人事謂之春秋聳善也抑惡也

教之世而為之昭明德而廢幽昏焉世謂先王之世繫也昭顯也幽闇也昏亂也為

之陳有明德者世顯而闇亂者世廢也以休懼其動休嘉也動行也使嘉顯而懼廢也教之詩而為

之道廣顯德以耀明其志導開也顯德謂若成湯文武周邵僖公之屬諸詩所美者也教之

禮使知上下之則教之樂以疏其穢而鎮其浮疏條也樂者所

以移風易俗蕩滌滌人之邪穢也鎮重也浮輕也教之令使訪物官令謂先王之官法時令也訪議也物事也使議知百官之

事業教之語使明其德而知先王之務用明德於民也

語治國之善語教之故志使知廢興者而戒懼焉故志謂所記前世成敗之書教

之訓典使知族類行比義焉訓典五帝之書族類謂若序九族比義義之與比也若

是而不從動而不悛悛改也則文詠物以行之文文辭也詠風也謂以文辭風

託事物以動行也求賢良以翼之翼輔也悛而不攝則身勤之攝固也勤

勸身以多訓典刑以納之刑法也務慎惇篤以固之攝而不

徹徹通也則明施舍以導之忠施已所欲原心舍過謂之忠恕明久長以導之

信有信然後可以長文明度量以導之義義宜也言度量所宜明等級以導之

禮等級貴賤之品明恭儉以導之孝恭儉所以事親明敬戒以導之事敬

於事則無敗功明慈愛以導之仁明昭利以導之文昭明也明利言利人及物明除

害以導之武除害去暴亂也明精意以導之罰明盡精意斷之以情明正德以

導之賞正德謂不私於所愛明齊肅以耀之臨齊肅也肅敬也耀明也臨臨事也若日疋

而不濟不可為也濟成也為為師傳也且夫誦詩以輔相之威儀以

先後之體貌以左右之明行以宣翼之宣編也制節義以

動行之恭敬以臨監之勤勉以勸之孝順以納之忠信

以發之德音以揚之教備而不從者非人也其可興乎

與猶成也夫子太子也夫子踐位則退退謙退也自退則敬自退則見敬否則赧赧懼

也不自退則常憂懼

恭王有疾恭王太子審也疾在魯襄十三年召大夫曰不穀不德失先君之

業業伯業也覆楚國之師不穀之罪也覆敗也謂鄢陵之戰為晉所敗若得保

其首領以歿保首領免刑誅也唯是春秋所以從先君者請為

靈若厲亂而不損曰靈殺戮不辜曰厲言春秋禘祫當以立謚序昭穆從先君於廟堂也大夫許諾王卒

及葬子囊議謚子囊恭王弟令尹公子貞也大夫曰王有命矣子囊

曰不可夫事君者先其善不從其過先其善先舉君之善事以為其稱不從其過行

赫赫楚國而君臨之赫赫顯盛也撫征南海訓及諸夏其寵

大矣撫安也征正也南海羣蠻也訓教也寵榮也教及諸夏謂主盟會班號令也有是寵也而知其過

可不謂恭乎謚法既過能改曰恭若先君善先其善事則請為恭大

夫從之

屈到嗜芰

屈到楚鄉屈蕩之子子久芰菱也

有疾召其宗老而屬之

家臣曰宗老

謂宗人也

曰祭我必以芰及祥

祥祭也

宗老將薦芰屈建命去

之

建屈到之子子木也

老曰夫子屬之

夫子屈到也

子木曰不然夫子承楚

國之政

承奉也

其法刑在民心而藏在王府上之可以比先

王下之可以訓後世雖微楚國諸侯莫不譽

微無也雖使無

楚國之稱諸侯猶皆譽之以為善

其祭典有之曰國君有牛享

諸侯以太牢

大夫

有羊饋

羊饋少牢也

士有豚犬之奠

士以特牲

庶人有魚炙之薦

庶人

祀以魚

籩豆脯醢則上下共之

共之以多少為差也

不羞珍異不陳庶侈

羞進也庶眾也侈猶多也

夫子不以其私欲干國之典遂不用

干犯也

椒舉娶於申公子牟

椒舉楚大夫伍參之子伍奢之父伍舉也子牟楚申公王子牟也

子牟有

罪而亡

亡奔也

康王以為椒舉遣之

康王恭王之
子康王昭也

椒舉奔鄭將

遂奔晉

鄭小而近
故欲奔晉

蔡聲子將如晉

蔡聲子蔡公孫歸生子家也唐
云楚滅蔡蔡聲子為楚大夫

昭謂蔡時尚存聲子通使於
晉楚耳在魯魯襄二十六年

遇之於鄭饗之以璧玉侑

饗食也璧侑
以璧角食也

曰子尚良食

尚猶彊也
良善也

二先子其皆相子

相助也二先子謂椒舉
之父伍參聲子之父

朝也傳曰楚伍參與蔡太師子
朝友其子伍舉與聲子相善也

尚能事晉君以為諸侯主

王盟
王也辭

曰非所願也若得歸骨於楚死且不朽

自謂
不朽

聲子曰子

尚良食吾歸子

使子得
歸也

椒舉降三拜

拜善
言也

納其乘馬聲

子受之

四馬曰乘受而
不辭定其心也

還見令尹子木

子木屈建也傳曰聲子
通使於晉還如楚也

子

木與之語曰子雖兄弟於晉然蔡吾甥也

蔡晉同姓謂吾
舅者吾謂之甥

二國孰賢對曰晉卿不若楚

順說之辭言時趙武為晉正
卿不及子木之忠然而有德

其

大夫則賢

賢於楚
大夫

其大夫皆卿材也若杞梓皮革焉

楚實遺之

杞梓良材也
皮革犀兕也

雖楚有材不能用也子木曰彼有

公族甥舅若之何其遺之材也對曰昔令尹子元之難

子元楚武王子文王弟王子善也欲害文夫人遂

或譖王孫啓於成王

處王官闕班殺之在魯莊二十八年及三十年

啓子元子也成王文王子也或譖啓與父同罪

王弗是

是也

王孫啓奔晉晉人用之及城

濮之役晉將遁矣

晉楚戰於城濮在魯僖二十八年遁逃退也

王孫啓豫於軍事謂

先軫

先軫晉中軍帥

曰是師也唯子玉欲之

子玉楚令尹得臣也

與王心違

王不欲戰子玉

固請王怒少與之師

故唯東宮與西廣寔來

東宮西廣楚軍營名

諸侯之從者叛

者半矣

勑舍子玉

若教氏離矣

右教氏子玉同族離謂不欲戰也

楚師必敗何故

去之先軫從之大敗楚師則王孫啓之為也昔莊王方

弱

方弱未二十

申公子儀父為師

儀父申公闕班之子大司馬闕克也

王子燮為傳

燮楚公子

使師崇子孔帥師以伐舒

師崇楚大師潘崇也子孔楚令尹成嘉也舒羣舒也

燮

及儀父施二師而分其室

施罪於二師二師子孔潘崇也室家資也

師還至則以王

如盧戢黎

師子孔潘崇之師二子懼故以土如盧盧楚邑也傳曰初闕

令尹不得故作亂城郢而使賊子孔弗克而還

盧戢黎殺二子而復王

戢黎盧大夫也二子變及儀父

或

譖析公臣於王

析公臣楚大夫或譖之言與知二子之亂

王弗是析公奔晉晉人用

之寔讒敗楚使不規東夏則析公之為也

規猶有也東夏沈蔡也傳曰繞角之

役晉將遁矣析公曰楚師輕窺易震蕩也若多鼓鈞聲以夜軍之楚師必遁晉人從之楚師宵潰晉人遂侵蔡襲沈獲其君鄭於是不敢南面楚失諸華繞角

之役在魯成六年

昔雍子之父兄譖雍子於恭王

雍子楚大夫父兄同宗之父兄

王弗

是雍子奔晉晉人用之及鄢之役晉將遁矣

鄢鄢陵役在魯成十

六年雍子與於軍事謂欒書曰楚師可料也

欒書晉正卿料數也

在中

軍王族而已

唐云族親族同姓也昭謂族部屬也傳曰欒范以其族夾公行時二子將中軍中軍非二子之親也

若易中

下楚必歆之

中下中軍之下也歆猶食也易易欒范之行示之弱以誘楚也傳曰欒范易行以誘之鄭司農以為易行中軍與上下軍

易卒伍也中軍若合而西吾中

合合戰也西入也中中軍也

吾上下必敗其左右

晉上下軍必敗楚之左右軍也

則三萃以攻其王族必大敗之

萃集也時晉有四軍言三集者中軍先入而上

二及新軍乃二集以攻也

樂書從之大敗楚師王親面傷則雍子之為

也

王楚恭王也面傷謂呂錡射其目

昔陳公子夏為御叔娶於鄭穆公

宣公之子御叔之父也為御叔娶鄭穆公少妃姚子之女夏姬也

生子南子南之母亂陳而亡之

子南夏徵舒之字御叔早死陳靈公與孔寧儀行父淫夏姬徵舒弑靈公楚莊王以諸侯討之而滅陳

使子南戮於諸侯

言為諸侯所戮在魯宣十一年

莊王既以夏氏之室賜申公巫臣則又畀之

子反卒於襄老

畀與也巫臣楚申公屈巫子靈也子反司馬公子側也襄老楚連尹也初莊王欲納夏姬巫臣諫曰不可君召

諸侯以討罪也今納夏姬貪其色也貪色為淫淫為大罰王乃止將以賜巫臣則又與子反子反欲取巫臣又難之卒與襄老

襄老死于邲

二子爭之未有成

晉楚戰於邲在魯宣十二年晉智莊子射襄老獲之以其尸歸二子子反巫臣也爭爭夏姬成猶定也

恭王使巫臣聘於齊以夏姬行

巫臣道尋夏姬使歸託以求襄老之尸恭王遣焉巫臣聘諸鄭伯鄭伯

許之及使適齊至鄭遂以夏姬行焉

遂奔晉晉人用之寔通吳晉使其子狐庸

為行人於吳

子反殺巫臣之族巫臣在晉請使於吳吳子壽夢說之乃通吳于晉使其子為吳行人

而教之射

御道守之伐楚至于今為患則申公巫臣之為也今椒

舉娶於子牟子牟得罪而亡執政弗是

執政謂椒也

椒舉曰

女實遣之彼懼而奔鄭緬然引領南望

緬猶貌也

曰庶

幾赦吾罪又不圖也乃遂奔晉晉人又用之矣彼若

謀楚其亦必有豐豆敗也哉

豐猶大也

子木愀然

愀然貌

曰夫子

何如召之其來乎對曰亡人得生又何不來為子木曰

不來則若之何對曰夫子不居矣

不居言當奉命於他國

春秋相

事以還軫於諸侯

軫車後橫木言四時相聘問之事迴車於諸侯

若資東陽之盜

使殺之其可乎

資賂也東陽楚北邑

不然不來矣子木曰不可我

為楚卿而賂盜以賊一夫於晉非義也子為我召之

吾倍其室

倍其室益其家也

乃使椒鳴召其父而復之

靈王為章華之臺

靈王楚恭王之庶子靈王熊虔也章華地名吳語曰乃築臺於章華之上

與伍舉

升焉曰臺美夫

伍舉椒舉也椒邑也

對曰臣聞國君服寵以為美

服寵謂以賢受寵服以足為美

安民以為樂

以能安民為樂

聽德以為聰

以為明

能致遠人也

不聞其以土木之崇高形鏤為美

形謂丹楹

鏤謂刻楠

而以金石匏竹之昌大踴庶為樂

金鍾也石磬也匏笙也竹簫管也昌盛也踴譁

也庶眾也

不聞其以觀大視侈淫色以為明而以察清濁為

聰

察審也清濁宮羽也

先君莊王為匏居之臺

匏居臺名

高不過望國

氛

氛侵氣也

大不過容宴豆

言宴有折俎籩豆之陳

木不妨守備

不妨城郭守備之材

用不煩官府

材用不出府藏

民不廢時務官不易朝常問誰宴

焉則宋公鄭伯

言二國朝事楚

問誰相禮則華元駢

駢

相相導也華元宋卿

華卿之子右師元也駢鄭穆公之子子駢也

問誰贊事則陳侯蔡侯許男頓子

贊佐

也其大夫侍之

各侍其君

先君以是除亂克敵而無惡於諸侯

今君為此臺也國民罷焉財用盡焉年穀敗焉

敗廢民之

時務

百官煩焉

為之徵發

舉國留之

留治之也

數年乃成願得諸侯與

始升焉諸侯皆距無有至者而後使太宰啓彊請於

魚曾侯

啓彊楚卿遠魯侯昭公也事在昭七年

懼之以蜀之役

蜀魯地魚曾宣公使求好於楚楚莊王卒宣公薨死不克

作好成公即位受盟於晉楚子怒使公子嬰齊帥師侵魯至蜀魯人懼之使孟孫賂楚以請盟在成二年

而僅得以來

僅猶劣也

使富都那豎棼焉

富富於容貌都閑也那美也豎棼未冠者也言取美好不尚德

而使長

之士相焉

長鬚美鬚驕也

臣不知其美也夫美也者上下內外

小大遠近皆無害焉故曰美若於目觀則美

於目則美於德則不美

縮於財用則匱

縮言取也

是聚民利以自封而瘠民也胡

美之焉

封厚也胡何也何以爲美

夫君國者將民之與處民實瘠矣君

安得肥

安得獨肥言將有患

且夫私欲弘侈則德義鮮少德義我不

行則邇者騷離而遠者距違

騷愁也離叛也邇境內遠鄰國

天子之貴也

唯其以公侯爲官正也

正長也

而以伯子男爲師旅

帥師旅也

其

有美名也唯其施令德於遠近而小大安之也若斂民

利以成其私欲使民蒿焉忘其安樂而有遠心

蒿蕞也遠心叛離

其爲惡也甚矣安用目觀故先王之爲臺榭也

積土爲臺無室曰榭

榭不過講軍實

講習也軍實戎事也

臺不過望氛祥

凶氣爲氛吉氣爲祥

故榭度

於大率之居

大率王士率也度又謂足以踰見也

臺度於臨觀之高

足以臨下觀上明使屋榭不蔽目明而已

其所不奪穡地

稼穡之地

其爲不匱財用

爲作也

其事不煩官業

業事也 其日不廢時務以農隙也瘠磽之地於是乎為之不害穀土也磽磽也城

守之木於是乎用之城守之餘然後用之官僚之暇於是乎臨之暇閑也四

時之隙於是乎成之隙空閑時也故周詩曰經始靈臺經謂經度之立其基址也天子一經之營之庶民攻之不日成之經始勿亟庶

民子來亟疾也子來如子為父母王在靈囿麋鹿攸伏囿域也麋鹿攸伏所也視北鹿所伏息愛特任之類

夫為榭臺將以教民利也臺講軍容具而禦寇亂皆所以利民者不知其

以匱之也知聞也若君謂此臺美而為之正以為得事之正楚其始矣始危也

靈王城陳蔡不美三國楚公十一年滅蔡使僕夫子皙問於范無宇子皙楚大夫僕皙父也范無宇楚大

西北有不美美亭襄城西北有不美美城夫芊尹申無宇也曰吾不服諸夏而獨市不服心也唯晉近我

遠也今吾城三國賦皆千乘亦當晉矣禮地方十里為成出長轂一乘馬四

匹牛十二頭步卒七十二人甲士
三人三國各千乘其地三千成

又加之以楚諸侯其來乎對曰其在志也

國為大城未有利者

志記也言在書籍所記國作大城未有利也

昔鄭有京櫟

京莊公弟叔段之邑

櫟鄭子元之邑魯桓十五年鄭厲公

因櫟人殺檀伯遂居櫟檀伯子元也

衛有蒲戚

蒲甯殖之邑戚孫林父之邑

宋有

蕭蒙

蕭蒙宋公子鮑之邑

魯有弁費

弁費魯氏之邑

齊有渠丘

渠丘齊大夫雍廩之邑

晉有

曲沃

曲沃櫟之邑

秦有徵衙

徵衙桓公之子景公之弟公子鍼之邑

叔段以京患莊公鄭幾不克

叔段圖管蔡莊公不克出奔在魯隱元年

櫟人寔使鄭子不得其位

魯莊十四年厲公自櫟侵鄭獲大夫傅瑕與之盟而赦之

使殺鄭子而納厲公鄭子莊公子子儀也

衛蒲戚寔出獻公

甯殖孫林父逐衛獻公獻公奔齊在魯襄十四年

宋蕭

蒙寔弒昭公

昭公兄鮑弒昭公而立在魯文十六年

魯弁費寔弱襄公

襄公十年季武子卑

公室作三軍而自征之二十九年又取弁以自予

齊渠丘寔殺無知

魯莊八年無知弒襄公而立九年雍廩殺之

晉

曲沃寔納齊師

櫟盈奔齊齊莊公納之盈以曲沃之甲書入為賊於絳在魯襄二十三年

秦徵衙寔難

桓景

公子鍼有寵於桓如二君於景難謂侵偪也魯昭元年鍼奔晉其車千乘

皆志於諸侯此其不利

者也皆見記錄於諸侯且夫制城邑若體性焉有首領股肱至于

手拇毛脉拇大指也毛鬚髮也大能掉小故變而不勤掉作也變動也勤勞也地有

高下天有晦明民有君臣國有都鄙古之制也先王懼

其不帥帥循也故制之以義施之以服行之以禮謂名位不同禮亦異數辯

之以名名號也書之以文書其名位及所掌主道之以言既其失也易物之由

至易物易其尊卑服物之宜夫邊境者國之尾也辭之如牛馬處暑之既

至處暑在七月節處止也蚩維蚩之既多而不能掉其尾臣亦懼之大曰蚩小

焉曰蚩不能掉尾益重也以言三國亦將然也不然三城也豈不使諸侯之心惕惕

焉惕惕也子皙復命王曰是知天咫安知民則咫言少也此言少知天道耳何

知治民之法是言誕也誕虛也右尹子革侍子革楚大夫故鄭國大夫子然之子然丹也曰民天

之生也知天必知民矣是其言可以懼哉三年陳蔡及